

大同府志

大同府志叙

無賓冬月予輅車自寧

趨北至大同次日展謁

廟登講堂學如翼如典

禮膳飭舍留祭太塚文公

禮誅之日即率所屬整

華而鼎新之予心儀其賢
退而取法乎中郡志以觀慮
弗漫德不備以餘之暇詢
諸文公則曰此守土之責也
謀之久矣蓋志舉於順治
九年百數十載槩未編纂

經前太守吳重脩自較舊
志為詳備而其中尚多失
檢因請覈訂重鑄大加釐
定以成一書鏤諸版矣敢以
序請因函其新志以進予
披覽至再益歎文公之賢

且明知為政之要而能率先
斯民也夫史家以志地理為
難志邊郡之輿圖為尤難
雲中古稱險塞其地雄博
浩渺廓乎無垠

國
家累洽重熙

德化

周漢中外視福兆庶盈寧
向之列於屯衛者今皆設為
城邑其間建革沿置之宜
營屯防練之要地賦物立產
與夫畸人碩士嘉言懿行
臚列燦陳瞭如指掌覽是

書者勤求民莫相率訓俗
型方以臻

聖朝道一風同之治胥於是乎

在予校勘月餘見其士樸
邀而無華質直而好義嘗
與講論今古敷勸以善冀

他日得一三文通武達之士
宣力分猷以仰副

聖天子壽考作人之雅化斯操

夙者之任抑亦守土者之榮
也爰不辭而為之序

乾隆四十有七年嘉平上浣

文淵閣校理翰林院編修
提督山西全省學政加四
級武進劉種之謨

重纂大同府志原稟

大同府文 稟請重纂大同府志由乾隆四十二年

七月三十日蒙

布政司劄付本年七月十六日蒙

巡撫部院雅 批據該府稟辦志書一案蒙批查各

屬志乘凡有語句違碍之處均應刪削以符飭令通

查何以各府州縣尚不趕辦急玩已極該府治任未

久卽能詳悉考校足見實心公事殊堪嘉尚仰布政

司飭令如稟妥辦一面通飭各屬遵行並業經核交

除淨盡呈送查核如再忽延定干嚴懲毋得食此稟仍

繳敬稟者竊查志乘一書攸關考核且係在官載籍
如有觸礙字面自應芟除淨盡以昭遵守卑府自履
任以來查閱雲中郡誌纂自順治九年其中敘述人
物戰功相沿明季陋習類多違碍字句卽前任吳守
于乾隆三十八年條議各款案內稟明編緝大同府
誌現已刊訂成書雖較舊志均係覈實而觸礙字面
及空格未填之處尙多失檢卑府復調取所屬各邑
志書通行校閱除大同縣向無志乘外其餘各州縣
志內雖自四十四年欽遵

諭旨查辦以後業將違碍等文書目概行芟削而錯謬字面

暨空格未填之處亦所不免卑府現將雲中郡志及板片查明銷燬一面自捐經費將前任吳守所纂大同府志內觸礙字面及空格未填之處悉心校覈更正查填並通飭所屬一體遵照辦理統俟辦竣呈送查核以昭慎重再卑府更有請者查各屬志書業于四十四年奉札通查辦理今卑府一府志書既多未協則各府州縣志乘未能芟削淨盡已可慨覓可否仰懇俯賜通飭各府州縣一律校閱芟除以歸詳慎之處管窺所及理合通稟伏候察核批示

序

古王者將命儒臣纂修一
代之史必編徵各省會郡
邑圖籍以周知天下道里
遠近山川險要阨塞之處
凡風土民俗剛柔燥濕奢

儉勤情之不齊固不具詳
則郡縣志為柱下珥筆所
必須可初也漢太史司馬子
長自言嘗西至空峒北過
涿鹿東涉於海南浮江淮
而生於一書者本紀世家列傳

書表百三十篇之外地志闕
如五按夙班氏漢書作地
里志之成帝時劉向略言
其地分丞相張禹使屬類
川朱贛條其風俗猶未宣
完故辨而論之終其本末

序
著於篇自後歷代相承各
有輿地圖志唐李延壽南
水之史保闕未備司馬溫公
擬以不作志書為憾謂使
每代制度因革皆反不見
則志之與史相表裏其不

可不祥且敷也審矣 茲其札降

三十四丁奉

一命作收遠 湯其地踞 八將之巔

黃澤一 陶歸然 兵 湯門戶

時易補 之故老將 編考往

蹟勒成 編乃未及 為而在

特

行恩

國

權守雲都下車之始念此
為邊疆重地建置沿革今
昔不同之府署所貯之書錄

初順治九年壬辰以刑部存事

胡公文舉所纂閱百二十年餘年

載屬邑者州曰旬曰蔚

縣曰馬邑廣昌而陽高天鎮
五鎮廳之屬不預焉其他
應去而存應存而去者不知
凡幾宏旨面請
大憲懇飭重修會

大中丞三公奉調游省粹系

有間客歲冬杪復請諸令

大中丞巴公幸蒙予可乃
因方伯朱公延婁江明經

涇南王君開局郡城經始於

今春次第拋纂閱十有二月
而歲事凡才域賦稅人物秩

官氣之文武備之類舊志所
未及者續之闕畧者補之

舊有而今入於平及直隸之

重化府易州者裨而書其名

目與體例不合者竟從而削

之惟原序四篇則賅而存

之不敢忘所自也書成郡邑
士女莫不詢謀僉同謂可上之
史館以供采擇之典守者
分中之一事矣惟是地兼
赤雄宿王際采既視他郡為難
守統轄兩廳兩州七縣之距

高百數十之百

四千里而遠為

聖天

子世麻所被時

四時賜民安

物阜則凡官其土者咸宜

軫恤邊黎名堪乃勸以勳

余不逮庶俾南治幸登上

理用光西北屏南為昔人

續澤志者仍據掾紀五方
不齊之倍眩人地因地制宜
之政故自秦蜀吞吳粵十
邑六省不厭其下之得也郡
隸五省近益遠益耳韓地瘠
其供蕃其政下漢燕趙地

上知

峻共保任侯其正宜檢核
綏按馭之方宏將何道之
從乃可以上報

下慰民隱哉三復此篇蓋
不禁潸然於澤孝宣與我
共治之一言矣

誥

詔

乾隆四十一年歲次丙申冬月
朝議大夫知大同府事加四級
紀錄十次歙州吳輔宏撰

余於辛丑歲來守斯
郡閱志乘自順治壬
辰纂梓而後繼前守
吳輔宏于乾隆丙申
歲輯脩剴劇編較
舊志自雅詳審而觸

礎字面及空格之處猶
多失檢因稟請 為憲
崇允准釐覈重刊爰
將吳守所輯郡志悉
心更訂復事叅徵細
加刪削以期詞意胥

歸醇正行次多復闕
殘幸昭慎重而字畫
亦再四較讐俾無訛
舛斯帙之集也按籍臨
池歷週經歲殆亦競
加之意云不特於案冊

五
二
秋八月竣於亥寅冬十
有一月書成聊誌其
畧于簡端文光謹識

真中郡志原序

馬官置內外史外則採風翰軒所寄今之郡志古之列國史所係良亦鉅矣况夫肇造聿隆制度考文之典繁煌煌鄭重也

今上聰明英武文治翔洽海內外咸若戎子大同密邇右輔敢匪茹倡逆越明年己丑削平

制駐府治陽和余於七年庚寅夏六月由昌刺奉

命守茲甫釋鞅鞵事日侍制府帷幄凡所諮阨塞名口士馬金穀之數多不獲原冊攷究每用是拊髀府乘
亟欲得前代典籍刪潤之以成

一王體裁此職守此夙志也柰灰燼之餘散帙淪軼西
河氏昔訂晉譌今且安得三豕而辨之乎禮失求
野久購得明守汪君承爵所纂大同府志首尾二
三冊與郡之學博子衿輩斤斤叅稽通牒報可遂
輯其事而纂脩焉自今伊始庶其可以備方策傳
來禱矣然而纂固未易言也著作讐校之舉捫扔
曰脩經始曰勦方

今五德乘旺正

龍興鼎建之初而雲變陡作規制又復一更是且爲
脩乎爲勦乎第必盡其局而燃除之又顏訓之所

謂羸也班孟堅一代良史律歷世紀等篇何者
與子長符其閒華離曲折因時致義之宜要皆誦
法乎孔子孔子謂殷因夏周因殷其所損益可知
是不獨論世已也則夫百二十國之寶書實式權
輿今試就全志而上下之象緯纏度義和所不能
變矣山川嶮易白阜所不能更矣忠孝節義耿耿
天壤閒聖人復起不能易矣他如困賦之登耗徭
役廢貯之軒輕類推而文質蠶肆統不出所損益
是瑟不調更絃可鼓績絰者紋錦異而經緯自定
此古今脩纂之大旨也原志大目凡九曰方輿曰

建置曰食貨曰秩官曰名宦曰武備曰人物曰外
志曰藝文其各志之屬五十有奇一一武其款項
惟是舊編卷數頗滋茲約至十四卷疑于繁簡之
互異不知著書者連犴而戶之夫連犴第於辭於
義無害焉爾矧

鼎運方昌日升川至後來嗣緝寧必侈侈甲乙部已
乎是編也謂余爲勑不敢當而第云仍舊貫則夫
奉

一王而定新裁者謂何司馬氏云斯雕爲朴存其體而
已此則余之不敢辭

順治壬辰夏四月中議大夫知陽和府事今隆分
巡河東兼管鹽法水利兵備副使東鄉胡文燧撰

雲中郡志原序

爲

三牧圉吏無事不奉若憲典而要於掌故明切子輿氏
所謂當務之爲急杜元凱曰教所存與文所害刊
而正之廼爲善誌則夫纂修史乘洵稽遠徵來之
急切務也顧志一而規制迥殊罷志與州縣志不
一邊郡志與腹郡志不一

昭代肇造之志與往代沿襲之志又不一所係搯觚者
肆攷覈確芟注酌古準今續緝惇史永永泐不朽
雲中天下之脊密邇右輔柱礎天西屹屹乎萬雉

金湯也戊子陡罹逆變

長怒赫濯明年己丑蕩平余移鎮駐陽和府治隨之越兩年辛卯郡大夫胡公進而言曰

國運聿新經制犁然矣本府甫經殘破之餘一切軍籍民版統不得舍曹氏一核名實纂修之不容已允惟臺牒主持之余爲之啟啟擊節謂夫郡乘攸關靖爾位而載采采斯其急務其首務焉昔先王懿文設險大要以天時地勢一筦其樞於人事纂修者本諸此而已今之時何時乎

大人虎變志正治澄明時之款炳文治而正位凝命

葦而鼎其際也雲峙西北古稱英雄用武地陳陳
武庫詎敢忽諸子大夫日討故實而申警之正不
必券廢貯於司農勸戰守於盟府分更引漏一展
帙而較若古名臣坐籌帷幄制勝疆場之外此物
此志夫寧第掌故已也甌脫弇中志聚伏波之米
羸縮登立耗志繪蕭鄧之圖穀餽而豆區詳敷敵而
戈鎧弔志與方畧誓命等重纂修之攸關如是夫
抑聞漢制二千石縮銅虎符得專與發討擊則武
備文事實式併肩之是纂經緯臚列巨細詳明本
大義而識武功謂爲郡志也可卽軍志也可書成

而喜其急當務弁言以示傳信云

欽命總督宣大山西等處軍務兼理糧餉兵部左侍郎兼
都察院右副都御史三韓佟養量撰

雲中郡志原序

古者各國紀域內山川景物習俗土宜以闡風俗而貢王國卽今之郡志也第名史不名志迨越人史公至于班氏漢書廼名曰志其天文地理食貨藝文諸篇遂爲後世纂修之祖而規制一本史記則子長洵千古之伊飢也然論者猶曰史遷蒐採于紀載飛灰之餘風神獨運而疎宕處多嗚乎纂志詎易言哉而纂志於紀載飛灰之餘又豈易言哉雲中古九原地肇基三代扼蜚狐拔元岳攬甸注管泲之勝屹然

幾輔右憲試一覈故典而昭若指掌者歲辛卯余奉
簡書西出巡宣雲雲在鼎草後特權戊子之變兵燹之餘
疆域稍殘官斯土者悉鵠擇居余歛歛曰雲中
古鉅鎮繁維西北要害重地城社幾墟整頓應急
廼拜疏符

請議復則夫荒蕪之疇逃亡之屋與嗷嗷哀鴻之慘
業繪圖而達

業宸矣爰檄該郡取府州縣志而覽之其亦涑水氏讀賦
役之惓惓乎而胡守以灰燼殘缺甫事纂修報繼
乃請志序曰纂修係郡守職掌實不敢辭曠

徒知維郡守之喫緊而不知係採風者之急圖也
昔有周方盛以皇華遣使諏謀詢度蓋卽太史陳
詩而風謠載列于典冊不言志而志可知矣漢去
古未遠建元閒以汲長孺爲河內謁者奏賑殘傷
百姓萬餘家嗣是而十道之分行直指之遍訪觀
風之八使何代不亟周爰貞觀有黜陟大使之名
稽志中之秩官也開元有繡節勸農之使攷志中
之田戶也洪忠節使遐陬所在以山川嶮易圖割
患寘欲悉天下戶口阨塞之志辭翰苑而請職方
豈有身親歷履而不於典籍一爲參究者郡志之

關于採風顧不急乎胡守良苦心哉灰燼之餘大
煩搜撫若體余巡方至意而爲是亟亟焉觀其次
第明楷集散成帙潤舊爲新佐

鼎運而遵車書大有補于雲鎮使守土者鑒之捍圉
撫綏可勵官箴後之繡節使備考覈而藉手其以
杼入

告之忱匪淺矣因其請而復之用識簡端巡按直隸督
理宣大二鎮兼學政轄山西大同府所屬州縣直
隸延慶保安一州等處監察御史中州薛陳偉撰

雲中志書原序

三雲禹貢幽州之域以冀地廣而分疆夏商屬冀
成周屬幽春秋而後或爲代郡或爲雲原定襄郡
或爲朔方或陞爲西京遷徙不常名號亦因歷朝
而建其地甲于諸邊萬山環拱形勝已極天西于
明洪武七年始改大同路爲大同府隸山西布政
司置四州七縣增設城堡規制壯麗遠勝前朝迄
今因之爰考其因草之大較堯時和叔來宅水有
恒齋治自崇伯而神禹繼之成湯始立代子代其
助于商乎秦因燕趙之舊置雲中郡則雲中端自

秦始東西二京式廓宏于前代餘威震乎殊俗迨
典午德衰李唐石晉以迄之宋陳谷之敗無復能
窺太原尺寸改雲州爲大同其立名則自遼始矣
金元明三世相因而設府置帥有明屹然立爲重
鎮云

國朝以順治五年逆賊姜瓖之亂次年移府治于陽
和鎮城良由

耶天子在上威武奮揚故小醜叛而旋滅無能肆其荼毒
也某督餉雲中適當姜逆兵燹之後城邑蕭然願
而興轍者久之乃二千石煥然胡公謀之督臺佟

公曰地方經逆變擾亂惟志書不可不存志書不
存則山川形勢及土俗人物後人杳不知其端緒
非所以廣輿圖表風尚也方爲購求得誌書一本
芟其繁蕪纂其要畧彙成大觀滄涵佟公見而喜
曰此誠不朽盛事也遂爲之序以弁其端

順治壬辰夏四月

欽差管理大同糧儲稽覈兵馬兼管屯種戶部浙江清吏
司主事華陽劉國欽撰

覺羅正紅旗官學教習候選教諭王飛藻

江蘇新陽人
拔貢

贊訂

教授管大同縣教諭事候選知縣郎克謙

山西壺關人
進士

採訪

大同府教授候選知縣劉金相

山西襄陵人
舉人

教諭借補懷仁縣訓導杜伯春

山西虞鄉人
副榜

教諭借補應州訓導候選知縣張廷綽

山西榆社人
舉人

原任陽高縣訓導王企配

山西安邑人
歲貢

校對

大同府訓導李養本

山西介休人
廩貢

教諭借補大同縣訓導候選知縣那纘祖

山西孟縣人舉人

督刊

大同府經歷兼管銀億庫事錢吉士

浙江錢塘人監生

大同府志

重纂銜名

纂輯

大同府知府加二級紀錄五次文

光 滿洲正白旗人監生

協理

大同縣知

縣傅 修 廣東海陽人舉人

懷仁縣知

縣祝霽楓 河南固始人拔貢

應州知

州陸元鼎 江蘇吳縣人監生

山陰縣知

縣王 諤 浙江湖州人舉人

靈邱縣知

縣張有蘊 貴州人舉人

大同府志

重纂銜名

廣

靈

縣

知

縣蘇雲昇

山東寧陽人舉人

陽

高

縣

知

縣倪

霖

浙江杭州人進士

署天鎮縣事試用知縣沈

瑤

瑤

瑤

雲南人舉人

大同府志

重修銜名

纂輯

大同府知府加二級紀錄二次吳輔宏 安徽歙縣人貢生

協理

原任豐鎮廳同知八格 滿洲正黃旗人舉人

豐鎮廳同知三藏寶 蒙古正黃旗人筆帖式

願任程捕廳通判興順 滿洲鑲藍旗人舉人

糧捕廳通判陳萬吉 河南商邱人監生

同知縣吳麟 浙江山陰人貢生

大同府志 卷之六 銜名

懷仁縣知縣五寧 滿洲正藍旗人筆帖式

山陰縣知縣傅修 廣東海陽人舉人

應州知州蘇泰 江蘇江陽人貢生

灑源州知州嚴慶雲 陝西沔縣人進士

原任雲邱縣知縣任謙 江蘇荆溪人進士

廣靈縣知縣廖位伯 廣西崇善人舉人

原任陽高縣知縣石文秀 河南伊陽人進士

原任陽高縣知縣李廷儀 直隸灤州人舉人

原任鎮縣知縣錢文梓 江蘇太倉人舉人

商

例言十六則

雲中郡者唐以前之舊名自遼改大同府迄今因之紀載之書義取徵信大同府之不得復稱雲中郡猶知府知縣之不得復稱太守令長也舊志冠以雲中郡泥古失實今更曰大同府志

周禮大司徒掌天下土地之圖知九州之地域廣輪之數志之有圖全書之綱領也舊列三圖於疆域卷內失之簡略今增廣之府境山川全圖一府屬九州縣一廳各爲圖一府城圖一府署圖一鎮署圖一府學圖一凡得十五圖另列卷首至星分圖仍列星野門以便觀覽

通鑑綱目於南北朝之際各繫正統以著統紀非郡縣志
所得而僭也志者史家地理志之遺祇當就地言地故五
代史職方考敘二百八十七州有直書曰有者有分註闡
蜀岐平吳楚等僞國者若執正統之例勢必以元魏之代
都而係之本無其地之宋齊梁陳以遼金之西京而係之
得而旋失之趙宋名實混淆莫此爲甚今敘歷代沿革前
五代止列隋隋以前無此地也後五代止列唐者梁未併
其地晉初不入版籍也他卷先敘宋而沿革獨先遼者宋
之得地在遼後也

廣爲寺而乘乾河經者五一採掠山也而大同陽高共之

龍首也而大同應潭源共之六稜也而廣靈天鎮共之若以州縣爲斷文必至重見叠出四分五裂矣今志山川以山川爲主貫串州縣務使陰陽向背脈絡原委瞭如掌紋亦桑鄴氏之遺意也

八景名色濫觴於西湖瀟湘志率多傳會大同山川雄壯古稱天險形勝之地也舊志形勝之外測立景物一門是縱覽龍門積石瞿塘灑瀨之大觀而繪畫一邱一壑之勝斯亦陋矣今槩爲削去仍於山川藝文卷內附觀一二以存其舊

大同古代地設官分職由來已久漢武靈時魏相趙固孝

成時代郡守李伯已見史記漢魏而下經使歷歷可考而
碑碣鐘鼎所見如金西京路按察副使孔固遼天成縣令
劉海川牛珙劉孟達之類亦皆不盡磨滅不當斷自前明
也文職首知府者府志體也武職首總兵者鎮府城也明
宣大總督駐陽和大同巡撫駐府城故得稱書元之河東
山西道宣慰使從治大同亦書唐河東節度使不治大同
則不書也北周之朔州領雲中隋朔州馬邑郡領雲內代
州鴈門郡領靈邱故朔代總管刺史馬邑鴈門太守皆得
書而唐之雲中不屬朔靈邱別屬蔚故書雲蔚不書朔代

也

宦蹟之與名宦相近而實不同名宦有專祠千百年來
亘者寡宦蹟以蹟傳苟有一善可紀卽學博丞尉不可泯
沒漢鴈門太守郅都見酷吏傳然公廉行法威震北邊北
魏元繼任青州刺史時爲御史所彈而其官恒朔則甚有
功若此之類皆可節取若按之史傳及舊志政蹟絕無可
考雖列祀名宦一仍其舊而志宦蹟則闕焉卽如明宣大
總督一官並載今宣化大同志其蹟在大同者大同志之
蹟在宣府非大同所得而志也

史家列傳之外別標忠義孝友循吏文苑名目志人物者
往往因之不知史之與志體例各別史傳善惡並著以示

勸戒志則隱惡而揚善史家論爵位故爵位不尊者不得
不列於忠義孝友循吏文苑也志則因地紀人忠義孝友
循吏文苑皆此邦人物不必復分名目也其或一節之孝
一事之義里巷稱說間有足錄別立孝義一條庶幾善善
欲長之意

雲代科目自漢以逮宋遼可考者寥寥數人洎金天會明
昌之間號稱盛焉舊志明以前槩置不錄疎矣且載進士
舉人明經而不及武科尤失文武並重之意今就所見增
入其由恩蔭行伍捐資出身者並附選舉之末別爲仕宦

列女首重節烈凡已旌及未旌而合例者苟有見聞悉宜
纂入而於舊志所載亦不敢稍有去取以期善無或遺其
以賢孝稱者閱登一二以風焉

佛老列志昔人所譏地志多載仙釋沿魏收之陋也後漢
書方術傳載王喬薊子訓費長房上成公諸人晉書藝術
傳載佛圖澄僧涉曇霍鳩摩羅什諸人以術數鑿之亦足
傳矣今仿其例曰技術與游寓並附人物之後

舊志逆變一條詳載順治戊子姜瓖之變夫瓖之於大同
誠不得不書然死事定難諸臣已見宦蹟志而義士貞女
之風烈復哉見人物列女卷中則此條直刪之可也

藝文非詩文選也其有關政治風俗者尙已他若山川古蹟草木昆蟲之類或學士大夫登高而賦或三雲人士操其土風苟無愧雅馴廣與收錄邊地少文聊爲風雅一助云爾

府屬地方有昔有而今無者有昔無而今有者應增應損各條一視沿革爲準以古蹟言雖以明如塚李陵臺之在人耳目而不得不刪邊外無志原有附見之例但未設朔平以前可附於大同今則當附於朔平也以人物言雖以魏敏果之經術尹九宮之博雅而有所不能收蓋君魏時之大同昔有蔚而今則無蔚也

志之有辨證所以刊訛糾謬辨以析之證以實之故志家
重焉然與其另列一門不若隨條附見易於編覽如段文
楚之非段文昌唐鑑之非朱唐鑑劉仲洙之非劉仲誠宋
之平城縣不得爲兩漢之平城元山陰縣尹李如忠不得
爲大同之山陰若此之類直爲改削其事涉疑似無可證
實者仍照原文纂輯而附辨于後所謂疑以傳疑也


舊志以八卦分八部爲綱九爲目六十一今不以綱統目
其可併者併之如田賦戶口稅課之合而爲賦役城池衙
署倉庫驛站舖遞橋梁坊表之合而爲建置是也可附者
附之如物產之附風土書院義學之附學校寺觀之附祠

祀皆是也凡爲門二十有二離爲二十二卷

第六

都府

履



樓


廟

廟

廟

龍王廟

橋



橋

廟

廟


廟

廟


廟

廟

廟





廟



廟

府治圖





井龍廟

仁

西書房

馬神廟

初陽殿

講堂

石庫


中堂

石

總鎮署圖



旗對廳



芝圃







馬堂



族詩廳

樓

樓

學宮圖





府境山川全圖






大同縣山川圖






懷仁縣山川圖





山陰縣山川圖





鎌倉

橋

山

山

應州山川圖

大洞


神武鎮



金鳳井 州

鎮

護駕岡 大



方

五





靈邱縣山川圖



廣昌縣界

高麗王三所



龍泉
下關

廣靈縣山川圖






陽高縣山川圖






天鎮縣山川圖





豐鎮廳山川圖





重輯大同府志奉准原議

大同府吳 爲遵批議許事乾隆三十八年閏三月

二十九日蒙

鴻平道 案驗乾隆三十八年閏三月十二日准

布政司朱 按察司黃 會咨本司等會查得爲政

貴乎利民章程期於永久據大同府吳守籌議條稟
蒙

前憲批司會議本司等遵卽公同酌議據稟稱府署
現貯雲中郡志一書係

國初順治九年壬辰前知府胡文燊纂輯闕今百有二

十一年所載屬邑舊有朔州蔚州馬邑廣昌而陽高
天鎮猶屬屯衛則其他應去而存應存而去者不知
凡幾可否飭准重加編輯等語本司等查各屬志乘
有關風化如有應行改革損益之處自宜重加編輯
以備稽核該府雲中郡志既於順治九年纂輯至今已
百有餘年未經更編所載屬邑今昔迥別其餘應去
應留之處全一而足似應俯如所請准其重加編輯
妥協辦理並咨允協相應詳請

乾隆三十八年三月十四日蒙

批允遵照在

案

卷之六

原議

大同府志目錄

卷首

原序

銜名

凡例

圖考

卷一

沿革

卷二

星野

卷三

疆域

道路附

村堡附

卷四

山川

水利附注

卷五

形勝

卷六

書蹟

冢墓附

卷七

風土

物產附

卷八

巡幸

卷九

封爵

卷十

職官

上

卷十一

職官

下

卷十二

建置

卷之十三

賦役

卷之十四

學校

書院附

義學附

卷之十五

祠祀

寺觀附

卷之十六

兵防

卷之十七

宦蹟

卷一十八

官蹟

下

卷一十九

選舉

上

卷二十

選舉

下

仕宦附

卷二十一

人物

上

卷二十二

人物

中

卷六十三

奉天物

下

孝義附

藝術附

游寓附

卷六十四

列女

一

卷六十五

祥異

卷六十六

藝文

一

卷六十七

藝文

二

卷二十八

藝文三

卷二十九

藝文四

卷三十

藝文五

卷三十一

藝文六

卷三十二

雜誌

大興府志目錄終

大同府志卷之

大同府知府吳輔宏纂輯

沿革

中古以來言地理者或解釋經義或撰述方志穿鑿附會頗失其真顏氏師古論之詳矣周禮職方并州已非禹貢九州之舊漢分天下爲十三州置刺史以統郡并州依舊名不改厥後增置州郡日以衆多且所隸之州隋與晉殊晉與漢異唐之雲中郡直爲僞置又非秦漢舊壤洎遼升雲州爲大同府迄今因之則今名所自昉也夫州縣有時而更山川終古不易俯仰推尋禹迹斯

在今攷歷代史家地志迹其因革廢興之由並著於篇

仰覓我

國家畫野分疆損益前代之制為盡善云志沿革

大同府地表

按五代史職方表以梁唐晉漢周為經二百八十七州為緯今仿其意而變通之凡

叙次歷代作橫格州郡縣作等格格分為三曰總部曰郡國曰州縣古以州統郡郡統縣故上列州次郡

次縣後之曰道曰路曰布政司於古為州曰州曰府曰路於古為郡與叙州郡同而軍衛鎮附見焉凡郡

縣名先書者今府境所無或闕疑也古縣名不錄者今府境所無或闕疑也

總部

郡國

州縣

唐

冀州

虞

并州

夏 冀州

商 冀州

周 并州

秦

漢

并州

幽州

代國

代國
趙國

鴈門郡

雲中郡

代郡

鴈門郡

雲中郡

定襄郡

代郡
代國

平城
劇陽

陰館
崞

涇陶

沙南

成樂

武進

高柳
馬城

延陵
參合

丘如
靈邱

二

沿革

二

東漢

并州

鴈門郡

東安陽

平邑

平舒

平城

陰館

涅陶

雲中郡

沙南

成樂

武進

幽州

代郡

高柳

馬城

東安陽

魏晉

并州

鴈門郡

平舒

北華邑

東安陽

新興郡

平城

涅陶

崞

幽州

代郡

雲中

定襄

北魏

恒州

司州
代都

代郡

平舒

武周

太平

梁城郡

參合

永固

遼鴻

秦時郡

崞山

高柳郡

安陽

高柳

北靈邱郡

靈邱

莎泉

北齊

北恒州

安遠郡

懷荒鎮
撫冥鎮

魯倚鎮
柔元鎮

臨塞郡

威遠郡

臨陽郡

太平郡

北周

北朔州

雲中

隋

馬邑郡

雲內
神武

恒安鎮

大行帝志

卷一 沿革

三

定襄郡

大利

鴈門郡

靈邱

唐

河東道

雲州雲中郡

雲中

蔚州興唐郡大成人成軍

靈邱 興唐

關內道

單于都護府

後唐

雲州大同軍

應州彰國軍

蔚州興唐軍

遼

西京道

大同府

大同 長青 雲中 奉義 天 德州 宣德 懷仁 成

蔚州忠順軍

靈邱 廣陵

應州彰國軍

金城 渾源 河陰

宋

雲中府路

雲中府

應州

蔚州

金

西京路

大同府

應州鞏國軍

蔚州忠順軍

撫州鎮寧軍

元

河東山西道

大同路

大同 懷仁 白登 應州
柔遠 集寧 威寧 宣寧
豐利 渾源州

金城 山陰

上都路 宣德府蔚州

靈邱 廣靈

興和路

高原 天成 威寧

明

山西布政司

大同府

大同 懷仁 渾源州 靈邱 廣靈

國朝

山西布政司

大同府

應州 懷仁 山陰 廣靈 靈邱 廣靈 陽高 天鎮 靈邱 山陰 宣德衛 天成衛 鎮魯衛 高山衛

大同府

府境於禹貢屬冀州 史記夏本紀禹相山川之便利自

冀州始常衛既從大陸既為鄭氏曰地理志恒水出恒

山索隱曰恒山恒水皆作常避漢文帝諱故也常水出

常山上曲陽縣東入潞水

恒山潞水俱在今府屬渾源州境

周職方屬并州 周禮職方氏河內曰冀州正北曰并州

其鎮曰恒山數曰昭餘耶川曰虜池嘔彘顏師古註嘔

彘出平舒漢地理志代郡平舒縣有耶彘水

平舒今渾源州及廣

靈縣地

春秋所云代國戰國時屬趙 路史代子爵商同姓 史

記趙世家子晰告趙簡子曰主君之子將克二國於北

皆子姓也

正義曰謂代及智氏

及簡子卒毋邱立是爲襄子襄子

北登夏屋使宰人操銅料擊殺代王遂興兵平代地武

靈于旣破樓煩林人攘地北至燕代西至雲中九原

秦置雲中鴈門代郡

史記始皇本紀二十六年初并天

下從廷尉李斯議分天下爲三十六郡始以郡監縣漢

書地理志雲中鴈門代皆秦置

漢幽州代郡并州雲中定襄鴈門郡

高帝元年項羽徙

趙土歇爲代王二年陳餘迎代王歇還趙歇立餘爲代

王二年韓信張耳擊斬餘獲趙王歇置代郡六年以雲

中鴈門代郡五十二縣為代國十一年代遷於晉陽以

代之雲中以西為雲中郡十二年分雲中地置定襄郡

地理志定襄郡高帝置元封五年初置刺史部十三州見前漢書帝紀幽

并依舊名不改見晉書鴈門雲中定襄屬并代屬幽見漢書地

理志

後漢鴈門雲中代郡 建武二十七年令大尉趙熹典邊

事復緣邊諸郡見後漢書

省幽并二州入冀 建安十八年復禹貢九州見後漢書帝紀時

省幽并州以其郡國并於冀州見獻帝春秋

始集塞下荒地立新興郡 建安二十年省雲中定襄五

原朔方郡置一縣領其民合以為新興郡 見魏志

魏復置并州 黃初元年改易郡國縣邑 見魏志 復置并州

見晉書

晉幽州代郡并州鴈門新興郡 晉書太康初分天下為

十九州部幽州統郡國七代郡隸焉并州統郡國六鴈

門新興隸焉惠帝永興以後代沒於石勒鴈門新興為

劉淵所有 地理志

封拓拔猗盧為代公地入北魏 拓拔猗屯救東瀛公騰

有功并州刺史劉琨表其弟猗盧為代郡公 見晉書劉琨傳 以

封邑去國懸遠二民不相接從琨求勾注陁北之地乃徙

馬邑陰館陰館今山陰應州地樓煩繁峙今源州地五縣之民於

脛南晉書懷帝紀作新興更立城邑盡獻其地建興元年代公裔

盧城盛樂以為北都修故平城以為南都今大同府治更南

百里於灑水之陽黃瓜堆今名黃花岡築新平城咸寧三年

代王翳槐城新盛樂城在故城東南十里五年代王什

翼犍移都雲中之盛樂宮六年代築盛樂城於故城南

八里太元十一年代遷於盛樂見魏書

北魏司州代都後改恒州領代梁城繁峙高柳北靈邱等

郡天興元年自雲中徙都平城徙六州二十二郡守

宰豪傑吏民二千家於代都見魏書孝文帝改為司州

牧置代尹遷都洛邑置萬年尹又置恒州見遼史按食貨

志天興初制定京邑東至代郡西及善無南極陰館北

盡參合為畿內之田今惟善無屬朔平其東南北三面

皆隸府境

北齊置北恒州天保七年併省大下州郡見齊書文宣紀廢恒

州為恒安鎮尋復見遼史地理志有安遠臨塞威遠臨陽等郡

屬北恒州見隋書地理志

北周改為朔州建德六年平齊見周書武帝紀復恒安鎮改朔

州見遼史地理志置北朔總管府見周書武帝紀後齊安遠臨陽威遠

臨塞等郡並廢見隋書地理志

隋朔州馬邑郡雲州定襄郡代州鴈門郡 隋書地理志

開皇初置朔州總管府五年置雲州代州總管府大業

初府廢改朔州爲馬邑郡雲州爲定襄郡代州爲鴈門

郡

唐雲州雲中郡代州鴈門郡蔚州興唐郡屬河東道單于

大都護府別屬關內道 武德元年改隋馬邑郡雲內

之恒安鎮置北恒州七年廢貞觀元年因山川形便分

天下爲十三道雲蔚代等州屬河東道龍朔三年置雲

中都護府麟德元年更名單于大都護府屬關內道永

淳三年徙其民於朔州十八年復置雲州

見唐書地理志天寶

元年改雲中郡乾元元年曰雲州見遼史地理志會昌三年以

雲蔚諸州為大同道罷屬河東置都團練使治雲州乾

符三年升為大同節度使中和二年改大同節度為鴈

門節度四年雲州復隸河東道見唐書

五代唐大同軍節度應州陞為彰國軍 同光三年復以

雲州為大同軍節度使見遼史地理志應州故屬大同軍節度

榷宗應州人也天成元年置彰國軍見五代史職方考

遼西京大同府此大同府得名之始蔚應二州屬西京道 遼史會

通元年晉遣趙瑩奉表獻十六州并圖籍太宗紀大同來

遼初為大同軍節度重熙十二年陞為西京府曰大同

統州三縣七地理志

本置雲中府路 宋史宣和三年始置雲中府武應朔蔚

奉聖歸化儒媯等州所謂山後五州也四年置雲中府

路地理志

金西京路大同府

金史天會六年宗翰取西京

太宗 皇

統元年以西京路隸元帥府舊置兵馬都部署司天德

二年改置本路都總管府後更置留守司轉運使及西

京路提刑司大同府撫州應州蔚州並隸西京

地理志

元改西京為大同路應潭源等州隸焉蔚州別隸上都路

宣德府天成威寧二縣別隸興和路 元史太祖七年

西京被圍太祖本紀初置警巡院至元二十五年改西京為

大同路領錄事司一縣五州八州復領縣並屬河東山

西道宣慰使司地理志明史元河東山西道宣慰使司治

大同路

明山西承宣布政使司大同府明史洪武二年左副將

軍常遇春取大同太祖本紀改路曰府領州四曰渾源應朔

蔚縣七曰大同懷仁山陰馬邑廣靈廣昌靈邱並隸山

西等處行中書省四年置大同都衛治白羊城入年改

為山西行都指揮使司二十五年徙治大同府初領衛

二十六後領十四曰大同前後左右陽和威遠遠平

魯雲川玉林鎮魯

與天城同治

高山

與陽和同治

宣德東勝

朔州喬治

州城安東中屯衛寄治應州城不在此數

九年改行中書省為承宣布政使

司

地理志

國朝因之曰大同府隸山西布政使司領州四曰朔應渾

源蔚縣七曰大同

郭

懷仁馬邑山陰廣靈廣昌靈邱仍

以朔州領馬邑應州領山陰蔚州領廣靈廣昌靈邱與

明制同順治五年姜瓖變移府治陽高衛

時已併陽和高山二衛為

一曰陽和府八年總督佟養量疏請還治大同雍正三

年陽高天鎮二衛俱改為縣析朔州馬邑隸新設之朔

平府

即大同右衛

六年以蔚州歸直隸宣化府廣靈廣昌靈

邱三縣仍屬大同十年後新廣昌縣歸直隸易州十三年邊外新設之豐川衛鎮驛所屬兼府治乾隆十五年改併豐川鎮寧二衛所爲豐鎮廳於是大同府所統州二縣七廳一

大同縣

倚驛

周大同川地戰國趙雲中縣 遼史地理志大同縣本大同川地析雲中地置雲中縣趙雲接唐書地理志中受降城西二百里大同川有天德軍天寶十三載置乾元後徙屯永濟橋故大同城也元和九年李吉甫奏修復舊城此在長城之外距今縣七百餘里然後之名軍名

府名縣 實肇始於此

漢為鴈門 郡之平城縣 漢書地理志平城東部都尉治

莽曰平 順按高帝紀七年擊韓王信於代至平城被圍

即此郡 國志平城註亦言前書高帝被圍白登去縣七

里

魏晉皆為 平城縣屬鴈門郡 晉書地理志魏黃初元年

復置并 州至晉因而不改統郡國六縣四十五鴈門郡

有平城 縣

北魏平城 縣屬恒州代郡 按魏書穆帝修故平城為南

都天興 元年遷雲中徙都平城見晉紀夷興中置司州

代都平城平城二漢晉屬鴈門後屬代郡見地形志是
北魏代郡之平城卽二漢鴈門郡之平城也

北齊太平縣之恒安鎮 按隋書地理志後魏立平齊郡

尋廢後齊改曰太平縣後周改雲中關皇初改雲內遼
史地理志高齊文宣帝廢恒州爲恒安鎮其或蓋互見
當爲太平縣之恒安鎮猶唐書地理志雲中下云本隋
馬邑郡雲內之恒安鎮也又按魏代郡有太平縣見地
形志縣名非自齊始

北周改曰雲中屬朔州 隋書地理志後齊太平縣後周
改曰雲中遼史地理志周復恒安鎮改朔州按雲中縣

二漢中郡魏晉屬新興郡北魏雲中併入定襄皆非今縣地大同之稱雲中昉於此

隋改雲內縣隸馬邑郡 隋書地理志雲內後周雲中縣

開皇初改有紇真山

在今縣北五十里

白登山

今名馬舖山在縣東七里武

周山

在今縣西二十里

濕水

即桑乾河由介應州入縣境

按遼金元史地理

志有雲內州當在今朔平府平魯縣西非此雲內

唐置定襄縣復改雲中屬雲州雲中郡 唐地理志雲中

縣本隋馬邑郡之恒安鎮貞觀十四年置定襄縣永淳

元年廢開元十八年復置更名東有牛皮關

今縣東六十里有牛皮

波明一統志大同城西北二十八里有定襄城

五代唐仍為雲中縣隸雲州大同軍 按五代史職方考

雲州下不列縣名第云州縣凡唐故而廢於五代及縣

之割隸今因之者皆列以備考其餘不足書是雲中仍

舊可知

遼始置大同縣 此大同縣得名之始 隸西京 遼史地理志重熙十

七年析雲中縣置按唐鎮北大都督府有大同縣屬關

內採訪使距今大同甚遠

金仍為大同縣大同府治 金史地理志大同倚遼析雲

中置金因之有方山 在今縣北五十里 岐王山 在今縣北九十里 如渾

水源出塞外由陽高開山 縣境流入桑乾河

元省雲中入大同 元史地理志大同倚郭至元二年省
西縣入焉按元時大同路無雲中縣則西縣當指雲中
卽今左雲以西地所謂雲西也

明仍爲大同縣屬大同府 按明史地理志大同倚北有
方山西北有雷公山東有紇真山又東北有白登山又
西有大河南有桑乾河西北有金河紫河又西有武州
山又東有玉河南有十里河北有威寧海子又有孤店
開山虎峪白陽等口俱在東北又北有貓兒莊今開山
虎峪在陽高界白陽在天鎮界威寧海子貓兒莊在豐
鎮界大河在朔平府界金河紫河俱在朔平邊外

國朝因之順治五年移治西安堡

在懷仁縣境

九年復還倚郭

編戶舊三十六里今一十四里

懷仁縣

府西南六十里

漢沙南縣地

漢書地理志雲中郡有沙南郡國志同遼

史地理志懷仁縣本漢沙南縣省志云沙南在漢屬雲

中郡今大同乃雲中東境懷仁在大同府西南與漢鴈

門郡之涅陶為近按水經注桑乾枝水又東流通結爾

湖俗謂之南池池北對涅陶縣之故城今懷仁縣東南

十五里高鎮子堡舊為鎮子海已涸疑即古南池也

北魏縣廢

遼史地理志元魏葛榮亂沙南縣廢按晉書

書俱不見沙南縣是東漢末已併為雲中一縣屬新興

郡非廢於元魏也魏都平城今府治西及善無今朔州南極

陰館今山陰應州今縣治在府治西南六十里當在魏畿內

隋置大利縣屬定襄郡 遼史地理志沙南廢隋開皇二

年移雲內於此大業二年置大利縣屬雲州改屬定襄

郡 按隋書地理志大利縣有長城陰山紫河在今朔

平府西北邊外懷仁要隸雲內縣地

唐雲中縣地五代唐因之隸雲州 遼史地理志奉義縣

析雲中置後唐武皇與太祖會此按唐書沙陀傳五代

史唐本紀遼史太祖紀皆載會雲中事惟遼史地理志

云會於雲州之東城又曰恒安鎮今謂之東城是東城
卽奉義縣而懷仁更在其西實則遼以前皆爲雲中縣
地也又按五代史載唐大順五年李克用攻赫連鐸於
雲州遼史地理志懷仁縣下亦言克用敗鐸於此蓋唐
雲中郡僅領雲中一縣其地廣遠遼之大同天成白登
奉義懷仁俱從此析

遼置懷仁縣

此懷仁縣
得名之始

隸西京大同府

遼史懷仁縣本

隋大利縣遼改金史地理志懷仁縣遼析雲中置

金陞爲雲州

金史地理志貞祐二年陞懷仁縣爲雲州

有黃花嶺錦屏山清涼山金龍山阜起城曰中城

元仍改懷仁縣 金史地理志大同路領縣五懷仁爲下

縣

明隸大同府調安東中屯衛後所守禦 明史地理志懷

仁在大同府西南西有清涼山西南有錦屏山南有桑

乾河西南有偏嶺等口按明史地理志永樂元年置東

勝中前後三千戶所於懷仁等處守禦省志舊志皆作

安東中屯衛後所與正史異

國朝因之曰懷仁縣仍隸大同府順治十六年所裁併歸

縣編戶舊九里今八里

山陰縣 府西南一百四十里

漢鴈門郡陰館縣東漢末縣廢 漢書地理志陰館景帝

後三年置累頭山治水所出莽曰富代郡國志陰館勾

注山在縣卽鴈門山按治水一名灤水卽桑乾河今自

馬邑流入縣境鴈門在今縣西南代州界

北魏置神武郡又立平齊郡 隋書地理志神武郡後魏

置省志云平齊郡在今大同府山陰界按魏書崔道固

傳顯祖時徙青齊士望數百家於桑乾立平齊郡於平

城西北北新城當卽北魏所城新盛樂對灤陽黃瓜堆

之新平城言故曰北其後徙治京城西南二百餘里舊

陰館之西當在今山陰馬邑間而山陰北四十里有黃

花嶺古昔以爲則爲新平城地無疑

北齊改爲太平郡周廢按隋書地理志後魏神武郡

後齊改曰太平後齊太平縣後周改曰雲中是郡爲今

山陰縣爲今大同

隋爲神武縣隸馬邑郡隋書地理志神武縣有桑乾水

唐縣廢地屬神武軍按唐書地理志鴈門北有神武軍

後改大同軍省志云屬朔州馬邑郡以馬邑於大同軍

城置也

五代唐爲寰州地遼史地理志寰州隸彰國軍省志唐

明宗置寰州縣境隸焉

遼為河陰縣屬應州

遼史地理志應州河陰縣本漢陰

館縣地初隸朔州

清寧中來屬按縣在桑乾之南水南

曰陰故曰河陰其後更名山陰以在復宿山之北

金更名山陰

此山陰縣得名之始

後陞忠州

金史地理志山陰本

名河陰大定七年以與鄭州屬縣同故更焉貞祐二年

五月升為忠州有黃花嶺桑乾河

元復為山陰縣

元史地理志山陰縣至元二年併入金

城後復置省志云

初隸渾源州按史志應州領二縣金

城山陰不言隸渾

源渾源州舊領渾源一縣後省入州

亦無領山陰之說

明屬大同府應州 明史地理志 山陰在應州西南北有

桑乾水

國朝因之曰山陰縣仍隸大同府 應州雍正八年直屬大

同府編戶舊七里今六里

應州 府南一百二十里

漢置陰館縣隸鴈門郡 遼史地理志應州治金城縣本

漢陰館縣地漢末廢為陰館城 按北史穆帝從并州刺

史劉琨求勾注陁北地乃徙陰館等縣入於陁南是陰

館縣晉時尚存應州續志謂漢 涇陶劇陽二縣地

晉鴈門郡廣武縣地 見省志按 晉書廣武鴈門郡所治

今山陰縣西南百餘里代州界有廣武城距應州甚遠
又按涅陶廢縣在應州西一統志涅陶在山陰縣東劇
陽在應州東北據此亦當爲涅陶縣地時劇陽已廢

北魏隸神武郡 見省志舊志餘詳註山陰縣下

北齊改隸太平郡 見省志

後周郡廢置陰城縣 見省志舊志

隋廢陰城爲神武縣地隸馬邑郡 按遼史地理志應州金

城縣本陰館縣地

唐置金城縣後改應州 此應州得名之始明一統志以龍首鴈門二山南北相應故名

按遼史地理志金城縣唐武德中置後改應州 顯新舊

唐書皆不載誠如州續志所言元地理志亦因唐書無考僅據五代史沙陀事蹟多在應州誤以爲唐末置耳當從遼志

五代唐升爲彰國軍五代史職方考應州故屬大同軍節度唐明宗卽位以其應州人也乃置彰國軍

遼仍爲應州彰國軍領金城渾源河陰三縣遼史地理志應州統縣三治金城縣北龍首山南鴈門兵事屬西京都部署司

金領金城山陰渾源三縣治金城金史地理志金城晉故縣有黃瓜堆複宿山桑乾河渾河醇川六黃花城

元領金城山陰二縣仍治金城 元史地理志應州領縣

二金城州治所

明省金城縣入州州仍領山陰屬大同府又置安東中屯

衛 明史地理志洪武初以州治金城縣省入北有桑

乾河西有小石口東南有湖峪口南有茹越口又有北

婁大石等口安東中屯衛寄治州城

國朝因之曰應州仍隸大同府領山陰一縣順治十六年

裁衛併入州雍正八年不領縣與山陰並屬大同府編

戶舊二十里今仍舊

渾源州 府東南一百二十里

漢平舒亭二縣地分隸代鴈門二郡 漢書地理志代郡

平舒有祁彝水莽曰平葆鴈門亭莽曰亭張按祁彝水

一名嘔彝川今在州東南五十里下流爲唐河又州西

二十里橫山左側有故亭縣

東漢歷魏晉不改 後漢書郡國志晉書地理志平舒仍

隸代郡亭仍隸鴈門

北魏爲畿內地後置亭山縣屬繁峙郡 魏書地形志繁

峙郡天平二年置亭山二漢晉曰亭屬鴈門後改屬明

一統志云屬神武郡

北齊改北顯州北周廢 詳見下

隋初爲平口縣後改崞隸鴈門郡 隋書地理志東魏置

廓州有廣安永定建安三郡後齊改北顯州後周廢開

皇十年改縣曰平口大業初改爲崞縣省志舊志州志

皆謂隋崞縣其初爲平口縣卽兩漢以來崞縣舊地按

平口縣名已見於北周書馮遷傳若北齊書庫翟盛傳

以肆州平口縣爲食言當卽北魏永安郡之平口非隋

改崞縣者 隋崞縣有崞山地理志今代州之崞縣西

南一十五里有崞山距渾源遠甚水經注崞縣故城王

莽之崞張也縣南面恒岳右背崞山今恒岳在州南二

十里州西二十里有橫山南北橫亘如城故崞縣在其

左橫山疑 卽崞山州志云山形如郭故名肇於西漢至
後唐徙築 今城不爲無據第晉末已徙崞縣民於陘南
更立城邑 則故崞縣本在鴈門關北兩漢晉初崞縣及
北魏之崞 山皆今州境而隋唐以後之崞則爲今代州
屬縣矣

唐置渾源縣

此渾源得名之始舊志云
因八水合而渾流故名

屬應州後唐改爲

渾元徙築

今城

遼史地理志渾源縣唐置有渾源川

卽今渾源

河在

州西北十里 按五代史唐家人傳廢帝后劉氏憲州

渾元人

卽渾源

而縣名不見職方考非五代所置故不備

列與金城

同例况遼志應州陞彰國軍明著爲後唐而

此云唐置疑亦置自唐初也金史曰晉縣者承後唐言

後唐避明宗諱故曰渾元

遼仍為渾源縣屬應州遼史地理志渾源縣在應州東

南一百五十里

金升為渾源

州此渾源置州之始

仍置縣在郭

金史地理志渾

源晉縣貞

祐二年升為州元史地理志渾源縣今升為

州仍置縣在郭併置司候司

元初改縣曰恒陰後省入州元史地理志至元四年省

渾源縣入州明一統志元初改渾源縣為恒陰縣

開隸大同府調安東衛中前二所分守明史地理志渾

源州南有恒山東有五峯山又南有翠屏山滹水出焉

又北有桑乾河西南當作西北有渾源川又東有鸞嶺關南

有瓷窰口

國朝因之曰渾源州仍隸大同府順治十六年所裁併歸

州編戶舊一十四里今仍舊

靈邱縣府東南一百七十里

漢置靈邱縣此靈邱縣得名之始屬代郡因趙武靈王墓故名漢書地理志

代郡靈邱滹河東至文安入大河并州川按史記趙世

家敬侯二年敗齊於靈邱惠文王十四年攻齊取靈邱

孝成王七年以靈邱封楚相春申君即所取齊地皆與

今縣無涉武靈數出境遊獵卒葬此未嘗置縣至漢高
帝十一年冬太尉勃入定代地明年追斬陳豨於靈邱
卽今縣地蓋自趙武靈葬後歷秦楚垂九十九年漢興
始置邑名焉宋起鳳辨之甚詳

東漢及晉縣省 漢書郡國志晉書地理志代郡無靈邱
縣

北魏復置靈邱縣屬北靈邱郡 魏書地形志北靈邱郡

天平二年置領靈邱莎泉二縣食貨志靈邱以麻布充

稅張黎傳世祖詔黎領兵一萬二千人通莎泉道

北齊省莎泉縣入靈邱 見隋書地理志按水經注滋水

導源沙泉今滋水在縣西南五里故 廻嶺沙泉在廣靈

縣西三十里

北周析置大昌縣靈邱仍舊 見隋書地理志

隋北靈邱郡廢縣屬蔚州後改隸鴈門郡 隋書地理志

靈邱後魏置郡後齊省沙泉縣入焉 後周置蔚州又立

大昌縣開皇初郡廢縣併入焉大業 初州廢按此則魏

之沙泉爲今靈邱後周之大昌卽元 置蔚昌者爲今蔚

州而北齊及隋之靈邱縣則兼有今 縣及蔚州地也

唐仍置靈邱縣屬蔚州 唐書地理志 武德六年置靈邱

縣寄治陽曲七年寄治繁峙八年寄 治秀容貞觀五年

復故地爲蔚州治縣有直谷關孔嶺關大安鎮

遼隸蔚州忠順軍 遼史地理志石晉獻地升蔚州爲忠

順軍靈邱縣東北至州一百八十里

金升爲成州 金史地理志靈邱晉縣 貞祐二年四月升

爲成州四年割爲代州支郡

元仍爲靈邱縣隸上都路宣德府蔚州 元史地理志上

都路領宣德府府領蔚州州領縣五 靈邱爲下縣

明隸大同府蔚州 明史靈邱蔚州西南東南有隘門山

西北有槍峯嶺嘔羹水出焉又有故 廻嶺滋水出焉

國朝因之曰靈邱縣仍隸大同府蔚州 雍正六年以蔚州

歸直隸宣化府縣直屬大同府編戶舊十里今九里

廣靈縣 府東南二百四十里

漢延陵平舒二縣地屬代郡東漢延陵縣省 漢書地理

志代郡有延陵平舒郡國志代郡有平舒按史記趙孝

成王十八年延陵鈞率師從相國信平君助魏攻燕徐

廣曰代郡有延陵縣是即路史所謂延陵有五其一在

代者也今縣西十里有平水村疑即平舒故城舒水音

近之訛

晉為平舒縣仍屬代

北魏懷荒禦倚二鎮地 見省志舊志按魏書懷荒禦倚

六鎮之二永安中以二鎮改置蔚州寄治并州鄆縣界
非故地矣

隋唐爲鎮州 見遼史地理志舊志從之按唐鎮州卽隋
恒山郡爲今直隸真定府與廣靈無涉廣靈遼析靈仙
置見金史靈仙唐興唐縣見遼史唐興唐郡本隋鴈門
郡之靈邱上谷郡之飛狐地見唐書以今攷之飛狐爲
廣昌靈仙爲蔚州廣靈兼有興唐靈邱縣地唐地理志
靈邱有直谷關今名直谷口在廣靈縣南十五里路通
靈邱此其証也

五代唐置廣陵縣

遼史地理志廣陵縣本漢延陵縣後

唐同光初分興唐縣置

遼仍爲廣陵縣屬蔚州 省志云廣陵縣遼統和三年析
靈仙縣置見金志後唐析興唐爲廣陵見遼志二史不
合遼志又云晉改興唐爲靈仙是廣陵分縣在靈仙未
名之先也按遼史聖宗紀統和十三年置廣靈縣與金
史遼統和三年置廣陵又不合

金改廣靈縣

此廣靈縣
得名之始

仍隸西京路蔚州

金史地理志

廣靈亦作陵

元改隸上都路宣德府蔚州

元史地理志蔚州領縣五

廣靈爲下縣

明隸大同府蔚州 明史地理志廣靈縣州西少北北有
九層山東南有豐水又西南有滋水北有平嶺關西南
有林關口

國朝因之曰廣靈縣仍隸大同府蔚州雍正六年以蔚州
歸直隸宣化府縣直屬大同府編戶舊九里今八里

陽高縣 府東一百二十里

漢平城縣白登臺地 通典雲中有白登臺漢武自將待
邊處按杜氏據唐縣言故曰雲中

北魏置高柳郡屬恒州 魏書地形志高柳郡永熙中置

領安陽高柳二縣按漢書景帝中三年中尉魏不害屯

高柳塞今縣北陽山口擅風崖地近之省志云隸司州
爲平城北境縣在府東少北當爲平城東北境其迤北
則爲高柳郡也

隋爲雲內縣地 隋書地理志雲內縣有白登山

唐爲雲中縣地 唐書地理志雲中縣有青坡道按青坡

道卽今雲門山在縣北十里

遼置長青縣隸西京大同府 遼史地理志長青縣本白

登臺地漢高帝於白登被圍七日卽此遼始置縣有青

坡梁元帝橫吹曲云朝跋青坡暮上白登在京東北一

百一十里

金改白登縣 金史地理志白登縣本名長青大定七年

更有白登臺採掠山按白登山在今縣東南二十五里

白登村南二十里乃白登縣遺址採掠山在縣西八十

里大同界

元仍爲白登縣屬大同路 元史地理志白登下縣至元

二年廢爲鎮尋復置

明縣廢置陽和衛徙高山衛合之屬行都指揮使司 明

史地理志陽和衛元白登縣洪武初縣廢二十六年置

衛宣德元年徙高山衛來同治北有鴈門山鴈門水出

焉南有桑乾河按水經注鴈門水出鴈門山遼高柳縣

故城北鴈門水爲今南洋河發源於陽和後口附翠屏山麓疑翠屏卽鴈門山距代州鴈門甚遠

國朝順治三年併爲陽高衛此陽高得名之始五年移大同府來

治升爲陽和府八年府還治大同仍爲陽高衛雍正三

年改爲陽高縣此陽高置縣之始隸大同府編戶十里

天鎮縣府東北一百八十里

漢平邑縣屬代郡 省志云平邑故城在天鎮按漢書地

理志代郡有平邑郡國志代郡有北平邑卽史記趙獻

侯十三年所城平邑也水經注濕水東逕巨魏亭北又

東崞川注之又東逕班氏縣南如渾水注之又東北逕

平邑縣城南又東逕沙陵南又東逕猗氏縣故城北又東逕道人縣故城南又東逕陽原縣故城南又與洋河水合崞川卽今渾源河循州城西北流至應州界又折而北入桑乾如渾水卽今玉河由陽高縣開山口流入大同界東南流又折而南至高家店入桑乾則巨魏亭當在應州北界班氏縣當在大同南界平邑當在今南川諸村北矣今桑乾河由陽高東流入縣境至小鹽場入直隸西寧縣又東至保安州境與洋河合則陽原當在西寧猗氏道人俱當在縣南迤東西漢代郡領縣十八以今地界敷之高柳東安陽近陽高延陵平舒近廣

靈馬城且如參合近豐鎮皆與縣境毗連今縣南七十里有大古城門疑卽古平邑城也

北魏置廣牧縣 遼史魏道武帝置廣牧縣按漢朔方郡有廣牧晉改屬新興郡朔方在河西新興在陜南距今縣境甚遠魏書地形志廣牧屬朔州附化郡卽漢五原郡地永和中徙朔方來治者在今府西北朔平邊外不當越代郡平城而東又按魏六鎮之柔元在天鎮縣東北邊外其西卽撫冥見一統志當爲今豐鎮廳界省志以廣靈天鎮俱爲懷荒禦衛二鎮地蓋廣靈天鎮僅隔火燒嶺一牆也

隋縣廢置玉泉驛 見縣志按玉泉驛隋史無考

唐置天成軍 亦作天城 一統志天成軍今天鎮縣治按唐書

地理志蔚州東北有橫野軍乾元元年徙天成軍合之

而廢橫野軍池陀傳赫連鐸攻天城軍李克用引軍夜

入雲州戰却之是天城為雲州近境元和志所云雲州

東至天城六十里可証以里數覈之不當為今縣境又

改唐改雲中郡為雲州與徙天成軍同在十年雲州東

六十里之天城軍即橫野軍今天鎮乃其未徙時故地

遼史又以天成為唐定襄縣武德五年置按唐書定襄

縣貞觀十四年置與遼史不合遼時亦有天成軍非西

京地

五代唐爲雲中縣地隸大同軍 見省志縣志

遼析置天成縣隸西京大同府 遼史地理志析雲中置

在京北一百八十里

金天成縣仍隸大同府 金史天城遼置

元天成縣隸興和路 元史地理志興和路鎮天成元初

隸宣德府中統三年來屬

明縣廢置天成衛徙鎮魯衛合之屬行都指揮司 明史

地理志天成衛元天成縣屬興和路洪武四年改屬大

同府縣尋廢二十六年置衛後徙鎮魯衛來同治桑乾

河在南南洋河在北即鴈門水

國朝順治三年併為天鎮衛此天鎮得名之始雍正三年改為天

鎮縣此天鎮置縣之始隸大同府編戶十里

豐鎮廳府城北一百里

漢代郡且如馬城高柳縣地定襄郡成樂武進縣地按

漢書且如縣有于延水武進縣有烏渠水水經注于延

水逕且如縣故城南又東南逕馬城縣故城北今名東

洋河源出天鎮邊外金史太宗子果傳天輔五年復取

西京果率大軍趨白土澳疑即古白渠水也漢定襄郡

治盛樂省志云即元魏北都遼金元之豐州當在今歸

化城左右及考金志大同縣有盛樂城不言在豐州意大同之盛樂城北魏始祖所遷穆帝所居道武登國元年所幸所謂定襄之盛樂者乃西漢故縣而昭成所都道武登國十年所幸所謂雲中盛樂宮者卽永興中置盛樂郡地在今歸化城界距豐鎮尙遠魏天賜三年北巡豺山宮遂登定襄角史山又幸馬城是時已都平城車駕循京北而西而東正在今豐鎮界內又今陽高縣開山口迤北爲古高柳塞近漢高柳縣地故魏書道武紀云屯于延水南出代谷會賀麟於高柳地本連屬以今地界覈之馬城在天鎮邊外高柳在陽高邊外成

樂武進在大同邊外且如在正黃旗察哈爾南界然不可盡考矣

東漢且如縣省成樂武進改屬雲中郡高柳馬城仍屬代見漢書郡國志

北魏梁城高柳郡地屬恒州北境又北爲柔元撫冥二鎮魏書地形志梁城郡領參合葷鴻二縣高柳郡領安

陽高柳二縣按水經注如渾水出涼城疑卽梁城旋鴻疑卽葷鴻

縣今府城東北八十里有如渾水源出塞外葫蘆海高

柳二漢屬代郡說元前高柳故城附近有參合陂一統

志柔元故鎮在武靈縣東北邊牆按魏書孝文紀太

和十八年幸柔元鎮通鑑注曰柔元鎮在漢且如縣西北塞外其西卽撫寧鎮今考其地應在豐鎮境暨正黃旗察哈爾之間又西則爲懷朔鎮非豐鎮界

唐置單于大都護府唐書地理志本雲中都護府龍朔三年置麟德元年更名尹耕曰單于都護府置在雲中而永淳間復徙瀚海都護府於雲中爲雲中都護府是雲中有兩都護府也或曰瀚海所徙史文曰古雲中單于府所置但曰雲中是其時有新舊兩城明一統志亦言新雲中在今大同府北郭外古雲中在豐勝之間相去四百餘里按此則豐鎮當爲新雲中地

遼大同城長青三縣北境兼有德州撫州地 遼史地

理志德州領宣德縣本西德店地開泰八年置在今寧

遠界撫州今張家口西界遼秦國大長公主建見金史

地理志豐鎮西鄰寧遠東接張家口南屏大同陽高天

鎮皆遼西京北境也

金撫州西境大同宣寧二縣東北境 金史地理志撫州

鎮寧軍明昌二年置承安二年升為節鎮領柔遠集寧

豐利威寧四縣按柔遠縣有雙輪鴛鴦濼得勝口明史

大同北有威寧海子興和所西有集寧路雲州堡西北

有鴛鴦濼威寧口在陽高西北七十里得勝口在大同

北八十里雙山在天鎮縣東北六十餘里新平邊外皆
豐鎮境意豐川衛節豐利故縣鎮寧所亦助於鎮寧軍
也又按金志宣寧縣卽遼宣德縣有彌陀山在今大同
西北九十里拒牆堡北東西袤百里北連口外

元高原威寧二縣寶昌一州屬興和路 元史興和路金

撫州屬西京元中統三年以郡爲內輔升隆興路後更
名見地理志太祖七年南伐取豐利等縣寶昌桓撫等
州見太祖紀按桓州在上都西又西爲興和路又西北
爲寶昌州以今邊界考之獨石口外爲上都其西爲桓
州張家口之西豐鎮之東爲撫州而寶昌則在察哈爾

南界也又按興和路領高原懷安天成威寧四縣天成
卽天鎮縣廳在天鎮西北邊外當爲興和路西北境又
西則爲大同路之東北境

明初屬興和守禦千戶所後廢 明史地理志興和所洪

武三十年置永樂二十年徙治宣府衛城而所地遂虛

宣德衛洪武二十六年置後廢按興和所卽元興和路

西有集寧路西北有寶昌州又有高原縣洪武中並廢

所謂大同興和塞外諸郡已廢爲邱墟明初僅置衛所

正統間英宗北狩時諸衛所什伍虛耗盡皆徙置其後

大同陽和天城各邊皆爲邊衝至嘉靖間叛人並言等

居豐州築城自衛號曰板升宣寧卽宣德衛在今豐鎮
寧遠間而寧遠爲多

國朝初係蒙古察哈爾正黃正紅旗遊牧地其南毗連民
地者爲太僕寺牧廠雍正三年以地土閒曠招民墾種
歸直隸宣化府張家口理事同知管理十三年經大同
鎮總兵李如栢 奏山西口外多有產礦山場聚匪滋
事張家口廳鞭長莫及請設衛所員弁彈壓稽查奉部
議准十三年經山西巡撫覺羅石麟 奏准於新平路
邊外地名高廟子設立豐川衛得勝路邊外地名衙門
口設立鎮寧所衛設守備一員所設千總一員隸大同

府管轄乾隆十五年因口外種地民人牛齒日繁事務較多復經山西巡撫阿里衮奏明將豐川衛鎮寧所裁汰改設豐鎮廳以大同府分防陽高通判移駐管理二十一年改爲滿洲蒙古旗缺三十年經察哈爾都統奏請將太僕寺空出牧廠餘地東自哈檀和碩西至十八兒太迤長二百餘里召民認墾三十三年將通判一缺改爲同知仍隸山西大同府